

*** *L cianton de l'Union* ***

Descorion i minerèi del Museo "Monzoni" de Poldin

L'Union di Ladins de Fascia, en colaborazion con l'Comun General de Fascia, dò l bon ejit di corse metui a jir l'an passà tel chèder de l'Aisciuda Ladina, la endreza dotrei scontrèdes avertes a duc per cognoscer nosc ambient.

La pruma scontrèda per cognoscer nosc bosch, che era perveduda en sabeda ai 6 de oril, la é stata sburlèda al meis de mé per via de la condizions del temp.

En sabeda ai 13 de oril l'apuntament é a Sèn Jan, te Strada de Pilat 10, a la descorida del Museo mineralogich "Monzoni" de Tone

Rizzi de Poldin.

Se se troa da les 14.00 diretament aló dal Museo mineralogich, olache la esperta de geologia Alessia Soraruf ne didarà a cognoscer i minerèi e a entener chel che i ne disc de la storia veiora de noscia Dolomites.

La scontrèda é debant e averta a duc. No l'é besegn de se prenotèr dantfora, ma per ogni informazion se pel chiamèr l'Union di Ladins al 0462.764545.

Nauter apuntament vegnarà metù a jir en domenia ai 5 de mé. Tel cedean da canche, ai 5 de mé del 1920, l'é nasciù la bandiera ladina dai 3 colores,

simbol de l'unità di Ladins, l'Union di Ladins de Fascia envia duc sun Jouf de Sela, lech simbol del leam anter i Ladins, per cognoscer mingol de storia de chest popol e de sia bandiera.

Vegnarà endrezà na coriera debant che pea via da Sèn Jan dal piazz apede a l'Istitut Ladin da les 14.30.

Chi che vel se n emprevaler i cogn se scriver ite a l'Union di Ladins (tel. 0462.764545 - mail union@ladinsdefascia.it) dant dai 26 de oril. Se aessa da esser burt temp vegnarà fat na scontrèda te Comun general sui medemi argomenc.

Union di Ladins de Fascia

Strada Dolomites 22, Sèn Jan,
Telefon e fax 0462 764545
e-mail: union@ladinsdefascia.it



La esperta de geologia e minerèi Alessia Soraruf.